



Broj predmeta: 02-000033/21
Broj akta: 01.1-1413EK-002/21
Datum, 29. 1. 2021. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, komandant Štaba, gradonačelnik Brčko distrikta BiH dana 29. 1. 2021. godine i z d a j e

N A R E D B U

Član 1.

- 1) Daje se saglasnost za upotrebu i korištenje nargila u ugostiteljskim objektima na području Brčko distrikta Bosne i Hercegovine uz poštovanje svih propisanih mjera s ciljem sprečavanja širenja zaraze korona virusa – COVID-19.
- 2) Prilikom konzumiranja nargila u ugostiteljskim objektima na području Brčko distrikta Bosne i Hercegovine obavezno se konzumira jedan (1) aparat nargile na jednu (1) osobu.
- 3) Zabranjena je upotreba nargila maloljetnim osobama.
- 4) Nakon upotrebe nargile obavezno je dezinfikovanje posude dezinfikacionim sredstvom na bazi 70% alkohola s ciljem sprečavanja širenja zaraze korona virusa – COVID-19.
- 5) Pri korištenju dezinfekcionih sredstava voditi računa o pravilnoj primjeni u skladu s uputstvom proizvođača vezano za namjenu, koncentraciju, način primjene i neophodno kontaktno vrijeme.
- 6) Prilikom konzumacije nargile svakom gostu obavezno se izdaje fabrički upakovan jednokratni nastavak i jednokratno crijevo koji se nakon konzumiranja od strane svakog pojedinačnog gosta odlažu na mjesta predviđena za odlaganje otpada uz poštovanje svih propisanih mjera s ciljem sprečavanja širenja zaraze korona virusa – COVID-19.
- 7) Osigurati obilježena mjesta za odlaganje otpada u objektu i bašti – upotrijebljenih jednokratnih nastavaka i jednokratnih crijeva. Otpad se sakuplja u odgovarajuće kese koje se dalje tretiraju u skladu s procedurom za upravljanje uz propisane mjere zaštite.

Član 2.

Zadužuju se lica iz člana 1. stav (1) da vode evidencije u vidu identifikacionih kartica o ličnim podacima korisnika nargile (ime, prezime, adresa stanovanja, broj telefona) s ciljem sprečavanja širenja zaraze korona virusa – COVID-19.

Član 3.

Zadužuje se Ured gradonačelnika – Inspektorat da vrši pojačanu kontrolu poštovanja svih propisanih mjera s ciljem sprečavanja širenja zaraze korona virusa – COVID-19.

Član 4.

Ovom naredbom stavlja se van snage Naredba broj predmeta: 02-000049/20, broj akta: 01.1-1141SM-350/20 od 17. 8. 2020. godine.

Član 5.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Vijeću ministara Bosne i Hercegovine
Trg BiH 1, Sarajevo, 71 000 Sarajevo
5. Sekretaru Vlade (3x)
6. Odjeljenju za zdravstvo i ostale usluge
7. Odjeljenju za zdravstvo i ostale usluge
- Pododjeljenje za javno zdravstvo
8. JZU „Zdravstveni centar Brčko“ Brčko distrikt BiH
9. Svim odjeljenjima Vlade (12x)
10. Uredu gradonačelnika / Inspektorat
11. Policiji Brčko distrikta BiH
12. Članovima Štaba (34x)
13. Ministarstvu sigurnosti BiH – Granična policija BiH
14. Institucijama Brčko distrikta BiH (8x)
15. Javnim preduzećima, fondovima i Zavodu (7x)
16. „Službenom glasniku Brčko distrikta BiH“
17. Arhivi.

GRADONAČELNIK

Esed Kadrić

